

MALAYSIA
DEWAN RAKYAT
ATURAN URUSAN MESYUARAT

NASKHAH SAHIH/BAHASA MALAYSIA

<http://www.parlimen.gov.my>

HARI KHAMIS, 24 NOVEMBER 2016, PUKUL 10.00 PAGI

Bil. 12

WAKTU PERTANYAAN-PERTANYAAN MENTERI

1. MQT-1343-0128
Dato' Sri Haji Abdul Azeez bin Abdul Rahim [Baling] minta **MENTERI KEMAJUAN LUAR BANDAR DAN WILAYAH** menyatakan berapakah bilangan Projek Bekalan Air Luar Bandar yang telah dilaksanakan di negeri Kedah sepanjang tempoh RMK-10 dan berapakah bilangan kampung di Parlimen Baling yang terlibat.
2. MQT-1343-0126
Tuan Ahmad Marzuk bin Shaary [Bachok] minta **PERDANA MENTERI** menyatakan kedudukan status restoran "*pork free*" dan apakah tindakan yang boleh diambil ke atas restoran-restoran yang menggunakan status tersebut.
3. MQT-1343-0127
Dato' Abdullah Sani bin Abdul Hamid [Kuala Langat] minta **MENTERI SUMBER MANUSIA** menyatakan bahawa YAB. Perdana Menteri pada 21 Oktober 2016 semasa pembentangan Bajet 2017 di Parlimen telah berjanji untuk melaksanakan skim perlindungan PERKESO kepada pemandu teksi yang berpendapatan sehingga RM3000 sebulan. Saya ingin tahu bilakah skim Perlindungan PERKESO kepada pemandu teksi akan dilaksanakan dan faedah skim ini berbanding dengan skim insurans yang lain.

**MALAYSIA
DEWAN RAKYAT
ATURAN URUSAN MESYUARAT**

NASKHAH SAHIH/BAHASA MALAYSIA

<http://www.parlimen.gov.my>

HARI KHAMIS, 24 NOVEMBER 2016, PUKUL 10.00 PAGI

Bil. 53

WAKTU PERTANYAAN-PERTANYAAN MENTERI

PERTANYAAN-PERTANYAAN BAGI JAWAB LISAN

1. PR-1343-L77016
Datuk Liang Teck Meng [Simpang Renggam] minta **MENTERI PENDIDIKAN** menyatakan :-
 - (a) jumlah guru sekolah yang sedang mengajar subjek (mata pelajaran) yang bukan bidang kepakaran, bermaksud tidak memiliki ijazah (*bachelor degree or diploma*) bagi subjek tersebut; dan
 - (b) jelaskan pendirian Kementerian dalam menangani isu guru yang kurang layak dalam mengajar subjek yang bukan bidangnya.
2. PR-1343-L76540
Dato' Dr. Nik Mazian bin Nik Mohamad [Pasir Puteh] minta **MENTERI KEWANGAN** menyatakan bilangan pengguna kad kredit yang telah jatuh muflis dan mohon Kementerian member garis panduan kebenaran mengguna kemudahan ini bagi mengelak para pengguna kad ini jatuh muflis.
3. PR-1343-L75812
Dato' Dr. Shamsul Anuar bin Haji Nasarah [Lenggong] minta **MENTERI SAINS, TEKNOLOGI DAN INOVASI** menyatakan :-
 - (a) kajian serta penyelidikan yang telah dilakukan oleh Kementerian dalam pembangunan teknologi nano di dalam negara; dan
 - (b) bilakah negara mampu untuk menggunakan teknologi ini secara mampan dalam sektor kesihatan dan pertahanan negara.

4. PR-1343-L76588
Dr. Azman bin Ismail [Kuala Kedah] minta **MENTERI PEMBANGUNAN WANITA, KELUARGA DAN MASYARAKAT** menyatakan rancangan Kerajaan dalam menangani fenomena "*The Ageing Society*" yang dijangkakan akan berlaku kepada Malaysia akibat kadar kesuburan yang menurun serta wang simpanan rakyat yang sedikit.
5. PR-1343-L76851
Tuan Anyi Ngau [Baram] minta **MENTERI PENDIDIKAN** menyatakan jumlah peruntukan kewangan yang telah diperuntukkan untuk menaik taraf sekolah-sekolah di negeri Sarawak/Sabah sejak tahun 2013. Nyatakan bilangan sekolah rendah dan menengah yang terlibat.
6. PR-1343-L77479
Tuan Wong Sze Phin @ Jimmy [Kota Kinabalu] minta **MENTERI PELANCONGAN DAN KEBUDAYAAN** menyatakan apakah perancangan dan berapakah peruntukan Kementerian bagi menarik lebih ramai pelancong luar negara ke Kota Kinabalu dan Semporna. Apakah usaha sama Kementerian dengan agensi Kerajaan lain untuk memperbaiki mutu perkhidmatan, infrastruktur dan isu kebersihan di Kota Kinabalu dan Semporna.

[Pertanyaan di bawah PM.22(5)]

7. PR-1343-L77448
Datuk Sapawi bin Ahmad Wasali [Sipitang] minta **MENTERI SAINS, TEKNOLOGI DAN INOVASI** menyatakan jumlah geran inovasi yang sudah dipohon oleh kalangan penyelidik tempatan, selaras usaha untuk memperluas penggunaan teknologi hasil penyelidikan mereka bagi membantu meningkatkan pendapatan masyarakat. Adakah cadangan menambah jumlah maksima geran daripada RM500,000 bagi setiap projek pada masa ini ke satu amaun yang difikirkan bersesuaian.
8. PR-1343-L77040
Raja Dato' Kamarul Bahrin Shah [Kuala Terengganu] minta **MENTERI PENDIDIKAN** menyatakan bilakah Kerajaan bercadang untuk menaikkan semula peruntukan bantuan murid kepada tahap dahulu sekurang-kurangnya sebanyak RM200 juta setahun memandangkan masalah murid-murid masa kini.
9. PR-1343-L75867
Datuk Abd Rahim bin Bakri [Kudat] minta **MENTERI KEMAJUAN LUAR BANDAR DAN WILAYAH** menyatakan bilakah Kementerian menaik taraf jalan luar bandar dari Pitas, Bongkol ke Telaga memandangkan ia merupakan jalan utama dan menjadi bahan rungutan utama penduduk di kawasan tersebut.
10. PR-1343-L76291
Ust. Datuk Dr. Mohd. Khairuddin bin Aman Razali [Kuala Nerus] minta **PERDANA MENTERI** menyatakan pendirian dan sikap Kerajaan terhadap jumlah anak tidak sah taraf yang sangat tinggi memandangkan negara ini meletakkan "Kepercayaan kepada Tuhan" di senarai pertama dalam Rukun Negara dan "Islam sebagai agama Persekutuan" di dalam Perlembagaan Persekutuan.

11. PR-1343-L77204
Tuan Anuar bin Abd. Manap [Sekijang] minta **MENTERI KEWANGAN** menyatakan prestasi kewangan semasa Malaysia Airlines Berhad (MAB) semenjak penstrukturan dan penjenamaan semula syarikat tersebut pada tahun lalu dan apakah jangkaan prestasi syarikat tersebut untuk tempoh 5 tahun akan datang.
12. PR-1343-L76388
Tuan Zairil Khir Johari [Bukit Bendera] minta **MENTERI KEWANGAN** menyatakan jumlah perbezaan, sama ada lebihan atau defisit, antara harga pam petrol dan diesel dengan harga sebenarnya sejak sistem apungan terkawal diperkenalkan.
13. PR-1343-L76563
Datuk Joseph Salang anak Gandum [Julau] minta **PERDANA MENTERI** menyatakan adakah Kerajaan bercadang mewujudkan semula satu Kementerian khas untuk hal ehwal Sabah dan Sarawak dalam suasana politik semasa kerana banyak manfaat yang akan diperoleh oleh rakyat kedua-dua negeri.
14. PR-1343-L76718
Dato' Abdullah Sani bin Abdul Hamid [Kuala Langat] minta **MENTERI PENDIDIKAN** menyatakan kedudukan PBS dan adakah proses yang membebaskan guru-guru ini masih dilaksanakan di sekolah-sekolah.
15. PR-1343-L76849
Datuk Bung Moktar bin Radin [Kinabatangan] minta **MENTERI KEMAJUAN LUAR BANDAR DAN WILAYAH** menyatakan apakah perancangan pihak Kementerian dalam membantu pekan-pekan di kawasan luar bandar seperti Kinabatangan dalam menyediakan kemudahan-kemudahan infrastruktur awam agar setanding dengan infrastruktur kemudahan awam di kawasan bandar.
16. PR-1343-L77338
Tuan Liew Chin Tong [Kluang] minta **MENTERI KEWANGAN** menyatakan mengenai cadangan penubuhan Bank of Johor:-
 - (a) keperluan dan kekangan undang-undang penubuhan bank negeri serta jumlah pemberian Persekutuan kepada Johor mengikut kapital, jalan negeri, dan berkenaan dari tahun 2005 hingga 2016 ; dan
 - (b) jumlah pemberian Persekutuan secara langsung kepada Johor atau agensi Persekutuan dari tahun 2005 hingga 2016.
17. PR-1343-L75673
Datin Mastura binti Mohd Yazid [Kuala Kangsar] minta **MENTERI DALAM NEGERI** menyatakan akhir-akhir ini jenayah menculik di bawah umur semakin berleluasa. Apakah usaha Kementerian untuk mengambil tindakan drastik bagi menangani masalah ini sebelum ia menjadi ke tahap yang tidak terkawal.

18. PR-1343-L76998
Dato' Kamarul Baharin bin Abbas [Telok Kemang] minta **MENTERI DALAM NEGERI** menyatakan :-
- (a) sejauhmanakah PDRM "Asset Loss Monitoring System" (PALMS) telah dibangunkan dan melatih anggota berkenaan supaya isu kehilangan aset PDRM seperti senjata api, gari, walkie talkie dan kenderaan dapat ditangani; dan
 - (b) jumlah kerugian kehilangan aset PDRM dari tahun 2013 sehingga 2015 berbanding kerugian sebanyak RM 1.33 juta bagi tahun 2010-2012.
19. PR-1343-L75898
Tuan Khoo Soo Seang [Tebrau] minta **MENTERI SUMBER ASLI DAN ALAM SEKITAR** menyatakan adakah Kementerian bercadang untuk mewajibkan para pemaju harta dan pihak-pihak yang meneroka kawasan hutan untuk projek-projek pembangunan membuat sumbangan kepada Yayasan Pemuliharaan Bumi (*Earth Conservation Fund*).
20. PR-1343-L76752
Tuan Chong Chieng Jen [Bandar Kuching] minta **MENTERI KERJA RAYA** menyatakan adakah kontrak pembinaan Jambatan Batang Lupar dan Jambatan Batang Saribas di Sarawak akan dianugerahkan melalui tender terbuka, apakah kos anggaran untuk projek itu dan bilakan ia akan dilaksanakan.
21. PR-1343-L75914
Datuk Seri Panglima Haji Abdul Ghapur bin Haji Salleh [Kalabakan] minta **MENTERI PENGANGKUTAN** menyatakan :-
- (a) apakah pihak Kementerian maklum bahawa, masih ramai pihak awam yang keliru dengan kenyataan-kenyataan tidak sepakat oleh pihak-pihak berkuasa berkaitan dengan penggunaan cermin gelap pada semua jenis kereta di negara ini; dan
 - (b) apakah keputusan terkini dan muktamat Kerajaan tentang penggunaan cermin gelap pada semua jenis kenderaan di negara ini.
22. PR-1343-L77166
Tuan Jeff Ooi Chuan Aun [Jelutong] minta **MENTERI KEWANGAN** menyatakan sama ada Kerajaan Persekutuan mengalami kesempitan aliran tunai dan menyebabkan pemulangkan hasil GST yang di pra-pungut oleh pihak peniaga menjadi lewat. Kalau tidak, kenapa berlakunya kelewatan bayaran balik.
23. PR-1343-L76473
Tuan Che Mohamad Zulkifly bin Jusoh [Setiu] minta **MENTERI KEWANGAN** menyatakan jumlah pelabur runcit Bursa Malaysia di kalangan Bumiputera berbanding bangsa lain.

24. PR-1343-L77096
Dato' Seri Mohamed Azmin bin Ali [Gombak] minta **MENTERI DALAM NEGERI** menyatakan adakah pihak berkuasa telah melaksanakan Advanced Passenger Screening System (APSS) di semua pintu masuk/keluar negara bagi menyekat kemasukan anasir ekstremisme dan militan ke dalam negara.
25. PR-1343-L77309
Tan Sri Dato Sri William Mawan Ikom [Saratok] minta **MENTERI KESIHATAN** menyatakan adakah Kerajaan berhasrat untuk memperkenalkan suatu undang-undang bagi mengawal pendermaan organ atau tisu daripada penderma yang masih hidup. Ini kerana Akta Tisu Manusia 1974 hanya mengawal pendermaan organ daripada penderma yang telah meninggal dunia sahaja.
26. PR-1343-L75662
Tuan Chua Tian Chang @ Tian Chua [Batu] minta **PERDANA MENTERI** menyatakan seperti yang dilaporkan di Utusan Online, adakah pendrive yang diberikan kepada SPRM terhadap FAM tidak mengandungi sebarang unsur rasuah. Apakah kandungan yang terdapat di dalam pendrive itu.
27. PR-1343-L75928
Datuk Mohd Fasih bin Haji Mohd Fakeh [Sabak Bernam] minta **MENTERI PERTANIAN DAN INDUSTRI ASAS TANI** menyatakan langkah Kementerian untuk meningkatkan hasil dan mutu pengeluaran padi khususnya di kawasan Parlimen Sabak Bernam dan nyatakan langkah Kementerian bagi mengurangkan kos penanaman dan pengeluaran padi supaya tidak membebankan petani.
28. PR-1343-L77294
Dr. Ong Kian Ming [Serdang] minta **MENTERI TENAGA, TEKNOLOGI HIJAU DAN AIR** menyatakan kos dan manfaat pembinaan projek janakuasa hidro-elektrik di pedalaman negeri Pahang dan Kelantan termasuk Empangan Telom, Empangan Tekai dan Empangan Nenggiri dan berikutan penentangan kuat daripada masyarakat Orang Asli tempatan, sama ada Kementerian akan mempertimbangkan semula rancangan pembangunan hidroelektrik tersebut.
29. PR-1343-L75803
Datuk Raime bin Unggi [Tenom] minta **MENTERI KOMUNIKASI DAN MULTIMEDIA** menyatakan sejauh manakah kejayaan Inisiatif Jalur Lebar dan Perkhidmatan Jalur Lebar Berkelajuan Tinggi (HSBB) di Malaysia sejak pelaksanaannya pada tahun 2010.
30. PR-1343-L75866
Dato' Takiyuddin bin Hassan [Kota Bharu] minta **PERDANA MENTERI** menyatakan berapakah jumlah rezab Gas Asli di Malaysia kini.
31. PR-1343-L75557
Tuan Budiman bin Mohd. Zohdi [Sungai Besar] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan berapakah jumlah rumah Projek Perumahan Rakyat (PPR) yang telah dibina di kawasan luar bandar bagi tempoh tiga tahun yang lalu dan apakah projek-projek PPR yang sedang dirancang untuk dilaksanakan pada masa akan datang terutamanya di kawasan luar bandar.

32. PR-1343-L77136
Tuan Haji Khalid bin Abdul Samad [Shah Alam] minta **MENTERI DALAM NEGERI** menyatakan statistik penyalahgunaan dadah bagi setiap negeri sejak 5 tahun yang lalu dan jelaskan langkah-langkah yang telah dan akan diambil bagi menangani isu penyalahgunaan dadah.
33. PR-1343-L76018
Tan Sri Datuk Seri Panglima Joseph Pairin Kitingan [Keningau] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan berapakah perumahan Projek Perumahan Rakyat atau PPR diperuntukkan dalam kawasan Parlimen Keningau dan berapakah kos mengikut sistem kemampuan pada setiap unit.
34. PR-1343-L76566
Tuan Ahmad Marzuk bin Shaary [Bachok] minta **MENTERI DALAM NEGERI** menyatakan apakah filem *Wolf Of The Wall Street* dibenarkan untuk ditayangkan di negara ini. Apakah tindakan perundangan akan diambil terhadap mana - mana rakyat Malaysia yang terlibat dalam pembikinan filem-filem lucah.
35. PR-1343-L76052
Datuk Hajah Norah binti Abd Rahman [Tanjong Manis] minta **MENTERI DALAM NEGERI** menyatakan sama ada Kementerian bercadang membenarkan individu berstatus pelarian *United Nations* (UN) contohnya dari Syria dan Rohingya bekerja bagi mengatasi masalah kekurangan pekerja industri dan juga pembantu rumah di Malaysia.
36. PR-1343-L76597
Tan Sri Dato' Seri Abd Khalid bin Ibrahim [Bandar Tun Razak] minta **MENTERI PENDIDIKAN TINGGI** menyatakan bilangan terkini pelajar Malaysia jurusan perubatan dan pergigian di Mesir dan sebab-sebab mereka dinafikan peluang mendapat biasiswa atau pinjaman Kerajaan Persekutuan meskipun keputusan cemerlang sedangkan kos pengajian jauh lebih rendah tanpa sebarang masalah akreditasi universiti.
37. PR-1343-L75639
Datuk Dr. Haji Abd. Latiff bin Haji Ahmad [Mersing] minta **MENTERI BELIA DAN SUKAN** menyatakan jumlah belia luar bandar yang tidak berada dalam '*Education, Employment and Training*' (NEET) serta punca masalah tersebut.
38. PR-1343-L76767
Dato' Seri Dr. Wan Azizah binti Wan Ismail [Permatang Pauh] minta **PERDANA MENTERI** menyatakan berapakah pulangan saham Felda Global Ventures (FGV) kepada peneroka sejak diterbitkan pada tahun 2012 sehingga kini berapakah kerugian modal pasaran (market capitalization) yang dialami setakat September 2016 dan apakah langkah terkini yang diambil bagi meringankan bebanan peneroka membayar balik pembelian saham-saham FGV.

39. PR-1343-L76903
Tuan R. Sivarasa [Subang] minta **PERDANA MENTERI** menyatakan pendirian Kerajaan kepada amalan *unilateral conversion* di mana seorang isteri atau suami yang bukan beragama Islam akan masuk Islam dan juga mendaftarkan anak-anak dia sebagai mualaf tanpa persetujuan pasangan dia yang merupakan ayah atau ibu kepada anak-anak tersebut; dan adakah Kerajaan akan mengambil apa-apa langkah untuk melarang tindakan sedemikian.
40. PR-1343-L76933
Dato' Dr. Noraini binti Ahmad [Parit Sulong] minta **MENTERI PENDIDIKAN** menyatakan sejauh manakah tindakan yang diambil oleh pihak Kerajaan bagi menangani isu pembulian yang semakin berleluasa di sekolah-sekolah dan apakah inisiatif pihak Kerajaan bagi mengurangkan kes buli di peringkat sekolah.
41. PR-1343-L76628
Dato' Dr. Mujahid Yusof Rawa [Parit Buntar] minta **MENTERI DALAM NEGERI** menyatakan :-
- (a) apakah status ancaman pengganas "*terrorism*" yang berlaku di Malaysia sekarang; dan
 - (b) apakah rancangan aktif yang diambil oleh Kementerian untuk menentang pengganas "*terrorism*".
42. PR-1343-L76545
Tuan Ignatius Dorell Leiking [Penampang] minta **MENTERI KEWANGAN** menyatakan jika jumlah (*the quantum*) sebanyak RM26.7 juta Setiap Tahun sebagai Pembayaran Khas kepada Sabah melalui Bahagian IV Kurungan (2) Perlembagaan Persekutuan Malaysia adalah "adil" kepada Sabah dan jika jumlah itu akan dinaikan kepada jumlah yang sepatutnya (mengikut 2/5 daripada Kutipan Cukai yang datang dari Sabah).
43. PR-1343-L75959
Dato' Kamarudin bin Jaffar [Tumpat] minta **PERDANA MENTERI** menyatakan susulan Transformasi Parlimen yang direalisasikan daripada cetusan Yang Di Pertua Dewan Rakyat seperti pewujudan sesi Kamar Khas dan Ministers' Question Time, adakah Kerajaan bercadang menambahkan lagi tenaga kerja dan peruntukan tahunan bagi Parlimen Malaysia berbanding yang sedia ada.
44. PR-1343-L75907
Dato' Sri Dr. Haji Irmohizam bin Haji Ibrahim [Kuala Selangor] minta **MENTERI DALAM NEGERI** menyatakan adakah Kerajaan melakukan semakan ke atas elaun khas PDRM yang mana kita difahamkan sentiasa bekerja lebih masa, korbakan cuti dan hujung minggu untuk menjaga keamanan dan keselamatan negara. Adakah Kerajaan berhasrat menaikkan elaun tetap tersebut kepada anggota-anggota polis.

45. PR-1343-L76064
Dr. Ismail bin Daut [Merbok] minta **MENTERI BELIA DAN SUKAN** menyatakan perkembangan terkini cadangan menguatkuasakan had umur 35 tahun bagi takrifan umur belia termasuklah bagi pemegang jawatan pertubuhan belia yang berdaftar di seluruh negara.
46. PR-1343-L75613
Laksamana Pertama Mohamad Imran bin Abd Hamid (B) [Lumut] minta **MENTERI PENGANGKUTAN** menyatakan mengapa Marina yang dibina dan telah siap di Pulau Mentagor dalam DUN Pulau Pangkor masih belum dioperasikan dan apakah perancangan pihak Kementerian untuk merealisasikan projek berkenaan.
47. PR-1343-L75968
Tuan Mohamed Hanipa bin Maidin [Sepang] minta **PERDANA MENTERI** menyatakan mengapakah pihak Suruhanjaya Pilihan Raya (SPR) tidak pernah berunding atau berbincang dengan semua parti politik yang telah dan akan terlibat dalam proses pilihan raya di negara ini sebelum mengesyorkan persempadanan semula bahagian pilihan raya.
48. PR-1343-L77152
Dato' Ir. Haji Nawawi bin Ahmad [Langkawi] minta **MENTERI SUMBER ASLI DAN ALAM SEKITAR** menyatakan statistik terkini dan usaha pencegahan aktiviti pembuangan minyak yang tidak terurus ke dalam air serta tumpahan minyak dari kapal dan juga feri yang mampu mengganggu ekosistem semulajadi.
49. PR-1343-L75694
Ir. Shaharuddin bin Ismail [Kangar] minta **MENTERI PERTANIAN DAN INDUSTRI ASAS TANI** menyatakan sejauh manakah program MYAGROSIS telah berjaya menarik minat para graduan sebagai usaha untuk meningkatkan produktiviti pengeluaran dan pemasaran pertanian selaras untuk memenuhi keperluan makanan rakyat yang kian meningkat.
50. PR-1343-L76375
Tuan Sim Chee Keong [Bukit Mertajam] minta **MENTERI DALAM NEGERI** menyatakan statistik "*sexual grooming*" kanak-kanak mengikut negeri,serta umur, kaum dan jantina mangsa dan pemangsa daripada 2008-2016.
51. PR-1343-L77422 Lisan 24-11-2016
Dato' Seri Tiong King Sing [Bintulu] minta **MENTERI PERTANIAN DAN INDUSTRI ASAS TANI** menyatakan :-
- (a) adakah Kementerian berhasrat untuk menjalankan Projek Perumahan Nelayan yang pernah diumumkan pada suatu ketika sebagai projek naik taraf para nelayan di seluruh negara ; dan
 - (b) setakat manakah perlaksanaan Projek Baik Pulih Rumah Nelayan yang telah berjaya dilaksanakan dan adakah ianya akan diteruskan pada masa akan datang dan berapakah jumlah peruntukan kewangan yang telah dibelanjakan oleh pihak Kementerian sejak ianya dilaksanakan.

52. PR-1343-L77491

Puan Teo Nie Ching [Kulai] minta **MENTERI DALAM NEGERI** menyatakan sama ada Ketua Polis Negara memang memiliki hartanah yang bernilai RM5.5 juta di Kampung Gebok, Negeri Sembilan, seperti yang didakwa oleh NGO MyWatch. Sekiranya ya, bagaimana beliau berkemampuan untuk membeli hartanah yang begitu mahal.

[Pertanyaan di bawah PM.22(5)]

ATURAN URUSAN MESYUARAT DAN USUL-USUL**1. Menteri di Jabatan Perdana Menteri akan mencadangkan:-**

“Bahawa mengikut Peraturan Mesyuarat 86(5), maka Penyata Jawatankuasa Dewan dibentangkan di atas Meja Mesyuarat di dalam Dewan ini sebagai Kertas Dewan Rakyat DR.14 Tahun 2016 hendaklah diterima dan dipersetujui”.

2. Menteri Kewangan akan mencadangkan:-

“Bahawa Dewan ini, mengikut peruntukan subperenggan 8(3)(a)(iv) Akta Tatacara Kewangan 1957 [Akta 61], mengambil ketetapan bersetuju supaya Kerajaan Malaysia melalui Menteri Kewangan (Diperbadankan), membuat pelaburan dengan menukarkan sebahagian pinjaman yang diberikan oleh Kerajaan Malaysia sebanyak RM500 juta kepada Small Medium Enterprise Development Bank Malaysia Berhad (SME Bank), sebuah syarikat yang dimiliki oleh Menteri Kewangan (Diperbadankan) kepada ekuiti bersamaan dengan Lima Ratus Juta (500,000,000) unit saham biasa pada RM1 bagi satu unit saham”.

3. Menteri Kewangan akan mencadangkan :-

“Bahawa Majlis ini mengambil ketetapan iaitu menurut kuasa yang ditetapkan padanya oleh subseksyen (2) seksyen 11, subseksyen (2) seksyen 155, subseksyen (2) seksyen 163B dan subseksyen (2) seksyen 163K, Akta Kastam 1967 supaya Perintah Duti Kastam yang dibentangkan di hadapan majlis ini sebagai kertas statut, bilangan ST.69/2016, ST.78/2016, ST.79/2016, ST.80/2016, ST.81/2016, ST.86/2016, ST.99/2016, ST.100/2016, ST.101/2016, ST.115/2016, ST.116/2016 dan ST.117/2016 disahkan”.

4. Menteri Kewangan akan mencadangkan :-

“Bahawa Majlis ini mengambil ketetapan iaitu menurut kuasa yang ditetapkan padanya oleh subseksyen (2) seksyen 91DA, subseksyen (2) seksyen 90A dan subseksyen (2) seksyen 91I, Akta Eksais 1976 supaya Perintah Duti Eksais yang dibentangkan di hadapan majlis ini sebagai kertas statut, bilangan ST.118/2016, ST.119/2016 dan ST.120/2016 disahkan”.

5. Menteri Kewangan akan mencadangkan :-

“Bahawa Majlis ini mengambil ketetapan iaitu menurut kuasa yang ditetapkan padanya oleh subseksyen (5) seksyen 17, subseksyen (2) seksyen 56, dan subseksyen (2) seksyen 160, Akta Cukai Barang dan Perkhidmatan 2014 supaya Perintah Akta Cukai Barang dan Perkhidmatan yang dibentangkan di hadapan majlis ini sebagai kertas statut, bilangan ST.121/2016, ST.122/2016 dan ST.123/2016 disahkan”.

6. **Dato' Seri Abdul Hadi bin Awang [Marang]** akan mencadangkan:-

"Bahawa Dewan ini memberikan kebenaran menurut Peraturan Mesyuarat 49 (1) kepada Yang Berhormat Ahli bagi kawasan Marang untuk mencadangkan suatu Rang Undang-undang Ahli Persendirian bernama Rang Undang-undang Mahkamah Syariah (Bidang Kuasa Jenayah) (Pindaan) 2016 seperti berikut:-

i. menggantikan Seksyen 2 dengan seksyen berikut:

"2. Mahkamah Syariah akan mempunyai kuasa ke atas seseorang penganut agama Islam dan di dalam hal-hal kesalahan di bawah perkara-perkara yang disenaraikan di dalam Butiran 1 Senarai Negeri di bawah Jadual Kesembilan Undang-Undang Persekutuan."; dan

ii. memasukkan selepas seksyen 2 dengan seksyen berikut:

"2A. Dalam menjalankan undang-undang jenayah di bawah Seksyen 2 Mahkamah Syariah berhak menjatuhkan hukuman yang dibenarkan oleh undang-undang syariah berkaitan hal-hal kesalahan yang disenaraikan di bawah seksyen yang disebutkan diatas, selain dari hukuman mati."

[Menteri di Jabatan Perdana Menteri]

7. PR-1343-U75583

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa, kesan pemanasan global telah mencapai satu tahap yang amat serius di mana disebabkan peningkatan paras air laut, terdapat banyak sawah-sawah padi tidak lagi dapat ditanam dengan tanaman padi disebabkan sawah-sawah padi ini telah dicemari dengan air masin. Dan mengambil maklum juga bahawa kesan daripada fenomena ini, para petani terutama sekali mereka yang menanam padi di sawah-sawah padi

yang berkedudukan tanah rendah atau pesisir pantai kehilangan punca pendapatan dan sekaligus kualiti hidup mereka turut terjejas. Dan mengambil maklum juga bahawa, sebagai langkah mitigasi bagi memulihkan ekonomi para petani ini, Kerajaan hendaklah membantu mereka dengan memperkenalkan tanaman bernilai komersial lain, yang sesuai ditanam di sawah yang dimasuki air masin tersebut seperti penanaman kelapa pandan dan sebagainya. Dan mengambil maklum juga bahawa penyediaan dan pengorekan perparitan untuk meninggikan paras tanah yang dimaksudkan di atas, di kawasan yang terlibat akan membolehkan kawasan yang terlibat tidak ditenggelami air masin. Maka, bagi menangani masalah ini, Dewan ini hendaklah mengambil ketetapan bahawa, di samping menangani isu pemanasan global secara serius, Kerajaan juga harus segera membantu para petani (atau pesawah padi) dalam mengusahakan semula sawah-sawah padi mereka yang terjejas oleh fenomena ini, dengan memperkenalkan tanaman bernilai komersial yang baru di tanah tersebut."

[Menteri Pertanian dan Industri Asas Tani]

8. PR-1343-U75584

Datuk Dr. Makin @ Marcus Mojigoh [Putatan] akan mencadangkan:-
"Bahawa Dewan ini mengambil maklum bahawa dengan purata hujan tahunan negara kini telah meningkat sering kita dengar tentang keadaan banjir kilat yang telah banyak menyebabkan kemusnahan harta benda, ameniti sosial, kerosakan alam sekitar dan lain-lain yang menjangkau jutaan ringgit nilainya. Dan mengambil maklum juga bahawa keadaan banjir ini ditambah burukkan lagi di mana banyak kolam dan paya ditimbus bagi pembangunan hartanah dan sebagainya. Ini menyebabkan sungai-sungai dan terusan tidak lagi dapat menampung jumlah air yang mengalir secara mendadak. Dan mengambil maklum juga bahawa, sebagai langkah mitigasi, kolam-kolam air yang luas boleh diwujudkan dalam sesuatu kawasan bagi menampung air hujan lebat yang turun sebelum ianya mengalir ke sungai-sungai dan terusan, sekali gus dapat mengurangkan kejadian banjir kilat. Dan mengambil maklum juga bahawa, takungan air di kolam-kolam tadi boleh juga dirawat dan disalurkan ke empangan bekalan air yang mana boleh digunakan sebagai air terawat oleh para pengguna. Dan mengambil maklum juga bahawa air daripada takungan kolam itu juga boleh disalurkan kepada industri-industri yang memerlukannya di samping digunakan untuk menyiram tanaman atau taman-taman. Maka, bagi menangani masalah banjir kilat ini, dewan yang mulia ini hendaklah mengambil ketetapan bahawa Kerajaan hendaklah mensyaratkan bahawa sebelum sesuatu zon itu dibangunkan, satu kawasan kolam takungan air hendaklah disediakan bagi maksud di atas."

[Menteri Sumber Asli dan Alam Sekitar]

9. PR-1343-U75585

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa, ramai graduan serta lulusan sekolah menengah tidak berpeluang untuk mendapatkan kerja dan kebanyakan mereka ini akhirnya hanya berlegar di kampung masing-masing dan tidak berpendapatan. Dan mengambil maklum juga bahawa, masih banyak peluang-peluang perniagaan yang boleh diusahakan di kampung-kampung sekiranya mereka yang berminat mendapat latihan, bimbingan dan bantuan kewangan yang secukupnya. Dan mengambil maklum juga bahawa pihak Kerajaan telah beberapa kali mengutarakan program pembangunan desa seperti program satu kampung satu industri, namun belum ada lagi program seumpamanya yang benar-benar berjaya. Dan mengambil maklum juga bahawa kebanyakan bekalan bahan mentah bagi penghasilan produk makanan, herba, tenusu dan lain-lain lagi boleh didapati di kampung-kampung dengan mudah. Dan mengambil maklum juga bahawa, melalui program "cottage industry" bukan sahaja penduduk kampung yang terlibat dalam

program ini akan mendapat manfaat, malah negara secara keseluruhannya akan mendapat manfaat daripada aliran aktiviti ekonomi yang dijana. Maka, bagi menangani masalah ini, Dewan yang mulia ini hendaklah mengambil ketetapan bahawa Kerajaan merumus satu mekanisme yang lebih efektif bagi menggalakkan penglibatan penduduk kampung dalam aktiviti "cottage industry" yang mana akan dapat membawa manfaat kepada 15-20 orang daripada setiap kampung."

[Menteri Kemajuan Luar Bandar dan Wilayah]

10. PR-1343-U75586

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa kos sara hidup keluarga telah meningkat dengan mendadak dan ini dapat dirasakan begitu hebat sekali oleh mereka daripada golongan berpendapatan rendah. Dan mengambil maklum juga bahawa teknologi solar yang terdapat pada hari ini dapat membekalkan tenaga elektrik dengan murah dan mesra alam. Dan mengambil maklum juga bahawa kadar penurunan hujan di negara ini agak tinggi dan boleh membekalkan bekalan air mentah yang cukup sekiranya ditadahkan dan disimpan dengan baik. Maka, bagi meringankan kos sara hidup keluarga terutama sekali mereka yang dari golongan berpendapatan rendah, Dewan yang mulia ini hendaklah mengambil ketetapan bahawa, semua pembinaan PPRT yang baru hendaklah dilengkapi dengan sistem tenaga solar dan tangki tadahan air bagi membolehkan pemilik rumah tersebut menurunkan sedikit kos sara hidup keluarga mereka."

[Menteri Kesejahteraan Bandar, Perumahan dan Kerajaan Tempatan]

11. PR-1343-U75587

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa, terdapat desas-desus bahawa pencarum Kumpulan Wang Simpanan Pekerja (KWSP) yang masih menabung dalam KWSP, yang telah mencapai umur 75 tahun, yang dikatakan mencecah jumlah 260,000 orang, tidak lagi dibayar dividen ke atas simpanan mereka di dalam KWSP, seperti yang disiarkan oleh akhbar The Sun Daily. Dan mengambil maklum juga bahawa, kekeliruan ini adalah disebabkan oleh polisi KWSP yang dikeluarkan pada tahun 2008, melalui Akta KWSP 1991 yang menerangkan bahawa simpanan para pencarum yang telah mencapai umur 75 tidak akan dibayar dividen. Dan mengambil maklum juga bahawa para pesara yang masih menyimpan akaun dengan pihak KWSP masih memerlukan sumber pendapatan yang terurus dengan kadar pulangan yang baik dan KWSP dikatakan memberikan kadar pulangan yang baik serta terjamin selamat. Maka, bagi menangani masalah ini dan membela nasib para pendeposit KWSP yang dimaksudkan, Dewan yang mulia ini hendaklah mengambil ketetapan bahawa Kerajaan hendaklah segera meminda Akta 1991 dan membatalkan polisi KWSP 2008 bagi memastikan agar para pencarum atau penabung KWSP menerima dividen selagi mereka masih mempunyai akaun yang aktif dengan KWSP."

[Menteri Kewangan]

12. PR-1343-U75588

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa, kos barangan dan kos sara hidup di negeri Sabah adalah antara yang tertinggi di negara ini dan polisi kabotaj, dikatakan sebagai antara penyebab utama keadaan ini berlaku. Dan mengambil maklum juga bahawa, akibat polisi kabotaj ini, kapal-kapal dagang dari luar negara tidak dibenar memungguh dan mengangkut barangan dari mana-mana pelabuhan di Malaysia kecuali di Pelabuhan Klang. Ini menyebabkan barangan tersebut terpaksa di angkut semula dengan kos tambahan ke pelabuhan-pelabuhan di negeri Sabah dan Sarawak. Dan mengambil maklum juga bahawa disebabkan polisi kabotaj ini, kadar caj penghantaran antara pelabuhan ditetapkan oleh pihak perkapalan dengan kawalan terhad oleh pihak Kerajaan. Misalnya, caj penghantaran kontena 20 kaki dari pelabuhan Klang ke pelabuhan Kota Kinabalu ialah RM2,436, ke pelabuhan Sandakan RM3,235 dan ke pelabuhan Tawau RM3,336.

Ternyata caj ini adalah terlalu tinggi jika dikira dari segi jarak batu nautika antara pelabuhan berbanding dengan caj penghantaran di pelabuhan-pelabuhan lain. Maka, bagi menangani masalah ini serta mengimbangi harga barangan dan kos sara hidup di negeri Sabah, Dewan yang mulia ini hendaklah mengambil ketetapan bahawa Kerajaan hendaklah segera membatalkan polisi kabotaj ini bagi meringankan beban rakyat Sabah dan Sarawak khususnya."

[Menteri Kewangan]

13. PR-1343-U75589

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa kebanjiran warga asing ke negara ini telah membawa budaya yang kurang baik di negara ini di mana mereka dengan sewenang-wenangnya membuang sampah merata-rata dan ini dapat kita lihat di kota-kota besar pada hujung minggu di mana mereka ini keluar beriadah. Dan mengambil maklum juga bahawa, sejak akhir-akhir ini, penduduk tempatan juga telah mula dijangkiti dengan sikap kutu sampah yang dimaksudkan di atas, di mana penduduk tempatan juga mula membuang sampah merata-rata. Dan mengambil maklum juga bahawa penularan pelbagai jenis penyakit bawaan vektor, tikus, lipas dan lalat, pembuangan sampah merata-rata telah menambah-burukkan lagi ancaman kesihatan di negara ini. Maka, bagi menangani masalah ini, Dewan yang mulia ini hendaklah mengambil ketetapan bahawa Kerajaan Malaysia hendaklah memindah undang-undang bagi menghukum kutu-kutu sampah dengan hukuman lebih berat lagi disamping menggalakkan lebih banyak usaha untuk kitar semula dijalankan."

[Menteri Kesejahteraan Bandar, Perumahan dan Kerajaan Tempatan]

14. PR-1343-U76223

Tuan Nga Kor Ming [Taiping] akan mencadangkan:-

"Bahawa Dewan yang mulia ini meluluskan satu ketetapan supaya Laporan Ketua Audit Negara berkenaan dengan isu 1 MDB (1 Malaysia Development Bhd) dibentang dan dikemukakan untuk perbahasan di Dewan Rakyat dengan kadar segera."

[Perdana Menteri]

15. PR-1343-U76225

Tuan Nga Kor Ming [Taiping] akan mencadangkan:-

"Bahawa Dewan yang mulia ini meluluskan satu ketetapan supaya YAB Perdana Menteri dan seluruh anggota Menteri Kabinet mengisytiharkan harta dan aset mereka kepada Dewan Rakyat tiap-tiap tahun pada bulan Disember."

[Perdana Menteri]

16. PR-1343-U76226

Tuan Nga Kor Ming [Taiping] akan mencadangkan:-

"Bahawa Dewan yang mulia ini meluluskan satu ketetapan supaya mengesyorkan kepada DYMM Seri Paduka Baginda Yang Di Pertuan Agong untuk menubuhkan satu Suruhanjaya Diraja supaya menyiasat dan mengemukakan laporan siasatan terhadap skandal kewangan 1MDB dengan kadar segera."

[Perdana Menteri]

17. PR-1343-U76228

Tuan Nga Kor Ming [Taiping] akan mencadangkan:-

"Bahawa Dewan yang mulia ini meluluskan satu ketetapan selaras dengan titah Majlis Raja-Raja Melayu dimana Akta Majlis Keselamatan Negara 2016 dibentang dan dikaji semula di Dewan Rakyat dengan kadar segera."

[Perdana Menteri]

18. PR-1343-U77356

Tuan M. Kulasegaran [Ipoh Barat] akan mencadangkan:-

"Bahawa Dewan ini mengambil maklum, Parlimen sepatutnya mengambil maklum kes penembakan Lucas a/l Asirvatham dari Ipoh semasa bekerja di kebunnya di Chemor Perak pada 11 Ogos 2016 oleh seorang bekas pegawai kanan polis. Kes penembakan tersebut perlu disiasat secara ketat dan efektif melalui penubuhan sebuah badan jawatankuasa yang bebas dan integriti serta laporannya diumumkan kepada orang ramai (made public)."

[Menteri Dalam Negeri]

19. PR-1343-U75910

Dr. Tan Seng Giaw [Kepong] akan mencadangkan:-

"Bahawa Dewan ini membahaskan langkah-langkah untuk mencegah pengganas di Malaysia."

[Menteri Dalam Negeri]

20. PR-1343-U75911

Dr. Tan Seng Giaw [Kepong] akan mencadangkan:-

"Bahawa Dewan ini memperbincangkan dasar penyelenggaraan semua jenis pengangkutan di negara".

[Menteri Pengangkutan]

21. PR-1343-U75794

Tuan Fong Kui Lun [Bukit Bintang] akan mencadangkan:-

"Bahawa Kerajaan mempergiatkan usaha untuk meyatupadukan rakyat berbilang kaum di Malaysia yang kelihatan masih lemah dan longgar meskipun negara telah menjadi negara merdeka dan berdaulat sejak 59 tahun lalu supaya mereka boleh hidup dengan aman dan saling memerlukan dan memahami antara satu sama lain bagi memudahkan mereka membangunkan ekonomi negara secara bersama dan merealisasikan impian Malaysia."

[Perdana Menteri]

22. PR-1343-U75795

Tuan Fong Kui Lun [Bukit Bintang] akan mencadangkan:-

"Bahawa Kerajaan memulihkan pilihan raya kerajaan tempatan seluruh negara supaya urustadbir Kerajaan menjadi lebih cekap, akauntabiliti dan bersih dengan mengambil langkah pertama untuk membuat kajian serius dan melakukan pungutan suara antara rakyat."

[Menteri Kesejahteraan Bandar, Perumahan dan Kerajaan Tempatan]

23. PR-1343-U75707

Tuan Loke Siew Fook [Seremban] akan mencadangkan:-

"Bahawa Dewan ini merakamkan sekalung tahniah dan setinggi-tinggi penghargaan kepada wira dan wirawati negara yang telah mengharumkan nama negara di Sukan Paralimpik dan Olimpik 2016 di Rio De Janerio. Kejayaan Mohamad Ridzuan Mohamad Puzi acara 100 meter,

Muhammad Ziyad Zolkefli acara lontar peluru dan Abdul Latif Romly acara lompat jauh merangkul tiga pingat emas pertama untuk Malaysia dalam Sukan Paralimpik serta dua rekod dunia yang dicapai oleh mereka adalah satu kejayaan yang luar biasa dan sangat dibanggakan. Atlet wanita Siti Noor Radiah Ismail yang memenangi pingat gangsa dalam acara lompat jauh di Sukan Paralimpik juga merupakan satu pencapaian yang membanggakan. Dewan ini juga merakamkan ucapan setinggi-tinggi tahniah terhadap atlet-atlet negara yang memenangi 4 pingat perak dan 1 pingat gangsa di Sukan Olimpik Rio 2016 iaitu pemenang pingat perak dalam acara badminton perseorangan lelaki Dato Lee Chong Wei, badminton beregu lelaki Goh V Shem-Tan Wee Kiong, badminton beregu campuran Chan Peng Soon-Goh Chan Ying dan pemenang pingat perak dalam acara terjun Pandelesa Rinong-Chan Jun Heong serta pemenang pingat gangsa acara berbasikal keirin Azizulhasni Awang. Atlet-atlet tersebut telah mencapai keputusan yang terbaik untuk kontijen Malaysia dalam sejarah penyertaan negara dalam Sukan Olimpik dan kejayaan tersebut harus dibanggakan oleh seluruh rakyat Malaysia."

[Menteri Belia dan Sukan]

24. PR-1343-U77348

Tuan Liew Chin Tong [Kluang] akan mencadangkan:-

"Bahawa Dewan ini bersetuju mengurangkan peruntukan untuk JPM dan menyalurkan kepada peruntukan bagi hal ehwal pendidikan, pengangkutan awam, kesihatan dan kebajikan rakyat. Peruntukan untuk Jabatan Perdana Menteri telah dihadkan tahapnya pada tahun 2008 iaitu masing-masing sebanyak RM3.4 bilion bagi peruntukan pengurusan dan RM3.5 bilion untuk pembangunan. Ini membawa kepada jumlah keseluruhan sebanyak RM6.9 bilion. Berbanding 2016, anggaran peruntukan pengurusan dan pembangunan telah melepasi tahap ditetapkan pada 2008 tersebut iaitu masing-masing sebanyak RM5.9 bilion dan RM14 bilion yang membawa kepada jumlah keseluruhan RM20 bilion."

[Menteri Kewangan]

25. PR-1343-U77349

Tuan Liew Chin Tong [Kluang] akan mencadangkan:-

"Bahawa Dewan ini menyokong cadangan menetapkan sebarang pembelian aset atau sistem pertahanan yang melebihi 100 juta oleh Kementerian Pertahanan, mesti dibawa ke Parlimen dibahas dan diaudit oleh Jabatan Audit Negara supaya untuk syarat meneruskan pembelian ini. Ini juga bertujuan untuk mempertingkatkan integriti dan keberkesanan pembelian sistem pertahanan. Ini adalah diakibatkan oleh pembelian Kapal Selam Scorpene telah menimbulkan banyak persepsi negatif terhadap negara."

[Perdana Menteri]

26. PR-1343-U77437

Tuan Manivanan a/l Gowindasamy [Kapar] akan mencadangkan:-

“Bahawa Dewan ini mempertimbangkan cadangan untuk menghalang dan mengharamkan penjualan arak murahan (cheap liquor) secara mudah dan murah yang semakin berleluasa. Gejala pengambilan arak murahan ini menimbulkan pelbagai masalah sosial seperti keganasan rumah tangga dan gengsterisme serta merosakkan organ dalaman. Di samping itu, kawalan dan penyeliaan terhadap kedai-kedai menjual arak perlu diketatkan. Masa penjualan arak dan lokasi minum arak perlu dikaji. Kawasan tempat awam seperti di taman awam dan taman permainan kanak-kanak, minum arak wajib diharamkan. Dewan ini juga wajib mempertimbangkan penubuhan Pusat Pemulihan Arak (PPA) di setiap negeri di Malaysia untuk membendung masalah minum arak yang semakin berleluasa di kalangan anak muda merentasi sempadan bangsa dan agama.”

[Menteri Dalam Negeri]

27. PR-1343-U77438

Tuan Manivanan a/l Gowindasamy [Kapar] akan mencadangkan:-

“Bahawa Dewan ini mempertimbangkan cadangan untuk kes kematian di bawah tahanan Polis DiRaja Malaysia, keluarga simati diberi kebenaran sepenuhnya untuk memperoleh Pakar Perubatan Forensik sendiri bagi mewakili pihak keluarga si mati semasa bedah siasat dijalankan.”

[Menteri Dalam Negeri]

28. PR-1343-U77439

Tuan Manivanan a/l Gowindasamy [Kapar] akan mencadangkan:-

“Bahawa Dewan ini mendesak agar pendidikan agama diperkenalkan di sekolah kepada pelajar bukan Islam sebagai langkah untuk menerapkan nilai-nilai murni dan keagamaan di kalangan pelajar bukan Islam bagi menangani gejala sosial yang kian meningkat dan berleluasa akibat daripada kegagalan sistem pendidikan di Malaysia.”

[Menteri Pendidikan]

29. **Tuan Gobind Singh Deo [Puchong]** akan mencadangkan:-

Pada 17.10.2016, Tuan Yang Di-Pertua telahpun membuat keputusan di dalam Dewan Rakyat seperti berikut:

Jadi masa tidak lagi mengizinkan. Jadi sesi pertanyaan-pertanyaan bagi jawapan lisan berakhir dan sebelum saya memanggil Setiausaha untuk beredar ke urusan mesyuarat yang lain, ada satu perkara mustahak yang ingin saya umumkan iaitu Ahli-ahli Yang Berhormat **saya mendapati beberapa soalan dalam pertanyaan jawapan lisan dan bertulis serta usul yang telah dikemukakan bagi Mesyuarat Ketiga Penggal Keempat**

Parlimen Ketiga Belas kali ini berkaitan dengan satu isu yang menjadi kegemaran ahli-ahli Yang Berhormat iaitu isu tindakan sivil in rem oleh Jabatan Keadilan Amerikat Syarikat atau singkat DOJ.

Jadi untuk mengelakkan lagi satu pertuduhan seperti di sesi yang lalu iaitu di mana soalan yang perlu dijawab secara lisan oleh kerana tidak ada masa untuk dijawab pada ketika itu, maka Menteri menjawab mengatakan bahawa tidak payalah dijawab secara bertulis oleh kerana itu adalah *sub judice*.

Jadi dalam hal ini, dalam sesi ini juga ada perkara-perkara yang sedemikian. Jadi saya tidak mahu lagi timbul satu persepsi di mana Menteri akan dituduh bahawa dia *assumed the role of Speaker*. **Jadi untuk itu setelah meneliti isi kandungan pertanyaan-pertanyaan tersebut, saya mendapati bahawa ia adalah perkara yang masih dalam timbangan mahkamah ataupun sub judice. Oleh itu Menteri yang berkenaan tidak perlu jawab kepada perkara-perkara tersebut.**

Manakala kepada Ahli-ahli Yang Berhormat yang sedemikian untuk memuaskan hati mereka saya akan sampaikan setiap Ahli Yang Berhormat keputusan saya secara bertulis. Terima kasih. Sila.

Dengan hormatnya, saya usulkan supaya keputusan Tuan Yang Di-Pertua tersebut dikaji semula menurut Peraturan 43 Peraturan Majlis Mesyuarat di atas alasan-alasan berikut:

- (i) Peraturan yang menghalang pertanyaan oleh kerana sub judice tidak terpakai kepada kes-kes di luar Malaysia.
- (ii) Oleh yang demikian, tindakan *sivil in rem* oleh Jabatan Keadilan Amerika Syarikat tidak boleh menjadi asas untuk penolakan soalan ataupun seseorang Menteri dikecualikan daripada menjawab soalan tersebut atas alasan perkara itu sub judis.
- (iii) Perkara ini dibincangkan dalam "Buku Erskine May's Treaties on The Law, Privileges, Proceeding's and Usage of Parliament 24th Edition 2011" di mana 365 dimukasurat disebut seperti berikut:

Matters sub judice

By a resolution of the House, cases in which proceedings are active in United Kingdom courts shall not be referred to in any motion, debate or question (see pp 396, 441-443); though the House has further resolved to give Chair some discretion to allow reference to be made to matters awaiting or under jurisdiction in all civil courts in certain specified circumstances, **provided that there is no real and substantial danger of prejudice to the proceedings.** The 'sub judice rule' as it is called, also applied to matters before a coroner's court or a Fatal Accident Inquiry. If the subject-matter of the question is found to be, or become, sub judice of the questions has been given, the Member is asked to withdraw it, or the Speaker may direct it to be removed from the notice paper or refuse to allow it to be asked if it is on the Order Paper.

The rule does not apply to matters which are sub judice in courts of law outside Great Britain and Northern Island, nor to matters which are the subject of administrative inquiry.

- (iv) jadi dengan segala hormatnya, jelas bahawa keputusan Tuan Speaker yang berasaskan kepada alasan sub judice adalah bertentangan dengan praktis yang diamalkan berkenaan isu itu dan oleh yang sedemikian boleh dan perlu dikaji semula.
- 2. Seterusnya dengan merujuk kembali lagi kepada petikan di dalam buku Erskine May di atas adalah jelas bahawa **sekiranya pun prosiding tersebut di dalam negara ini**, Tuan Speaker dalam memutuskan isu sama ada ataupun tidak perkara ini dihalang kerana sub judice perlu menilaikan sama ada wujud ataupun tidak *“real and substantial danger of prejudice”* kepada prosiding tersebut.
 - (i) Dengan segala hormatnya untuk menimbang dan seterusnya membuat keputusan berkenaan perkara itu, saya berpendapat bahawa Tuan Speaker perlu:
 - (a) memberikan Ahli-ahli Parlimen peluang untuk didengar sebelum membuat sebarang keputusan berkenaannya.
 - (b) menyakinkan diri dengan rujukan penuh kepada prosiding Mahkamah tersebut dan seterusnya menimbangkan kesan soalan-soalan yang ditanya kepada prosiding tersebut sebelum membuat keputusan tersebut.
 - (ii) Di dalam hal ini, saya memohon supaya Tuan Speaker menjelaskan sama ada ataupun tidak Tuan Speaker ada salinan dan sudah menimbangkan dengan mendalam semua kertas-kertas kuasa dalam prosiding DOJ tersebut (iaitu tuntutan dan jawapan-jawapan kepadanya sekiranya ada) untuk menyakinkan diri Tuan Speaker berkenaan fakta-fakta serta isu-isu yang berbangkit dalam perkara itu untuk membuat keputusan bahawa soalan-soalan itu adalah dihalang oleh perkara *sub judice*.
- 3 (i) seterusnya saya dengan segala hormatnya memohon rujuk kepada Peraturan 36(1) dan 23(1)(g) Peraturan Mesyuarat Dewan Rakyat di mana cukup jelas bahawa perkara yang perlu diputuskan adalah:

23(1)(g) A question shall not be so drafted as to be likely to prejudice a case under trial, or be asked to any matter **which is sub judice**; dan

36(2) Reference shall not be made to any matter which is sub judice in such a way might in the opinion of chair ***prejudice the interests of parties thereto***”
- 3 (ii) Dengan segala hormatnya, menurut Peraturan tersebut Tuan Speaker perlu untuk menentusahkan “parties” kepada tindakan ini dan kepentingan mereka sebelum keputusan berkenaan prejudis yang mungkin timbul seakibat soalan yang diajukan itu.

Tuan Speaker,

Negara kami dilanda krisis dan segi wujudnya satu perkara yang melibatkan wang yang sangat besar yang kini menjadi topik perbincangan hangat bukan sahaja di Malaysia tetapi di seluruh dunia.

Perkara ini telahpun menyebabkan tindakan yang tegas diambil oleh negara-negara seperti Singapura, United Kingdom dan Amerika Syarikat manakala di negara kita tiada sebarang tindakan berkesan diambil terhadap mana-mana pihak sama sekali sehingga sekarang.

Perkara ini telahpun menyebabkan banyak soalan ditanya oleh rakyat Malaysia khususnya berkenaan corak pentadbiran Kerajaan kami dan pengendalian siasatan perkara ini oleh jabatan-jabatan seperti Jabatan Peguam Negara, PDRM dan SPRM.

Isu ini sudah semestinya menjadi satu isu berkepentingan awam dan amat sangat perlu dibahas di dalam Dewan Rakyat.

Keputusan Tuan Speaker dengan segala hormatnya mempunyai kesan penghalang perkara ini daripada dibahas secara transparan dan juga memprejudiskan kesemua pihak dengan amat sangat oleh kerana mereka kehilangan peluang untuk menyoal dan menjelaskan semua keraguan yang timbul di dalam Dewan Rakyat yang mulia ini untuk pengetahuan rakyat Malaysia secara keseluruhannya.

Saya juga merayu kepada Tuan Speaker supaya melihat kepada “precedent” yang akan dicapai melalui keputusan ini di mana daripada sekarang, mudah sekali untuk sesiapa menghalang sesuatu perkara itu dibangkitkan di Dewan Rakyat iaitu dengan memfailkan atau merujuk kepada prosiding di luar negara untuk tujuan itu.

Ini kepada saya bukan niat ataupun matlamat yang ingin dicapai oleh Peraturan Mesyuarat yang digubal untuk “enhance” dan bukannya “restrict” dengan izin, perbincangan perkara-perkara penting untuk negara kita di dalam Dewan Rakyat yang mulia ini.

Maka saya selaku Ahli Parlimen Puchong merayu supaya usul saya dibenarkan dibahas dan keputusan Tuan Speaker itu, dikaji semula dan diketepikan dengan serta merta.

[Perdana Menteri]

30. **Tuan Sim Chee Keong [Bukit Mertajam]** akan mencadangkan :-

Pada 1 November 2016 (Ruj. YPDR.08/4/1/9(20)) Yang Berhormat Tuan Yang di-Pertua telah memberi maklumbalas secara bertulis kepada saya berhubung usul saya untuk merujuk Yang Amat Berhormat Ahli Parlimen Pekan kepada Jawatankuasa Hak dan Kebebasan seperti yang diperuntukkan oleh Perkara 36(12), Peraturan-peraturan Majlis Mesyuarat Dewan Rakyat (“Peraturan Mesyuarat”). Alasannya ialah, Ahli Pekan telah mengumumkan perkara dalam

Ucapan Bajet beliau pada 21 OKTOBER 2016 yang sama ada tidak terkandung ataupun berbeza dengan apa yang termaktub dalam Kertas Perintah 25 Tahun 2016 iaitu Anggaran Perbelanjaan Persekutuan 2017 ("Anggaran tersebut") seperti berikut:

"Setelah mengkaji dan mempertimbangkan usul Yang Berhormat berhubung dengan isu-isu yang dibangkitkan serta maklum balas yang dikemukakan, saya berpuas hati bahawa tiada kes prima facie wujud terhadap Yang Amat Berhormat Menteri Kewangan, Ahli Parlimen Kawasan Pekan. Ini adalah kerana Ucapan Bajet 2017 merupakan ucapan dasar yang melibatkan perancangan dan pelaksanaan projek/program Kerajaan bagi tahun kewangan yang akan datang. Sumber pembiayaan bagi pelaksanaan perancangan Kerajaan boleh ditanggung melalui Kumpulan Wang Disatukan, entiti seperti Badan Berkanun Persekutuan dan syarikat milik Kerajaan. Sekiranya pembiayaan adalah tidak daripada Kumpulan Wang Disatukan maka amaunnya tidak perlu dinyatakan dalam Anggaran Perbelanjaan Persekutuan yang dibentangkan."

Saya, dengan rendah diri, ingin menyatakan bahawa saya tidak bersetuju dengan keputusan Yang Berhormat Tan Sri tersebut.

Justeru, saya ingin mengusulkan agar keputusan Yang Berhormat Tan Sri dikaji semula menurut Perkara 43 Peraturan Mesyuarat tersebut berasaskan sebab-sebab berikut:

- I. Jelas ada perkara yang disebut dalam Ucapan Bajet tetapi tidak terkandung dalam Anggaran tersebut – dan ini diakui sendiri oleh Menteri Kewangan 2, Yang Berhormat Ahli dari Titiwangsa, dalam ucapan beliau pada 07 NOVEMBER 2016.
- II. Jelas ada perkara yang disebut dalam Ucapan tersebut dan ada terkandung dalam Anggaran tersebut tetapi nilai yang diperuntukkan adalah jauh berbeza antara kedua-dua dokumen. Ini juga diakui sendiri oleh Menteri Kewangan 2 dalam ucapan beliau yang disebut di atas.
- III. Walaupun Menteri Kewangan 2 telah cuba menjawab pertuduhan tersebut, namun, jawapan beliau tidak memadai untuk menjelaskan bahawa Ucapan Bajet itu TIDAK mengelirukan Majlis. Sebaliknya, penerangan beliau menunjukkan bahawa Ucapan Bajet yang sarat dengan retorik politik kepartian tersebut, penuh dengan amalan Bajet tidak telus, tidak teratur dan tidak mudah ditelitikan. Amalan sedemikian seterusnya akan menghalang urusan Parlimen.
- IV. Penjelasan terhadap pertuduhan, jika ada, perlu dijawab sendiri oleh Ahli yang membuat ucapan tersebut dan bukan oleh orang lain sebab pihak yang dirujuk adalah individu yang spesifik.

Oleh itu, demi integriti Parlimen yang mulia ini, saya merayu agar Yang Berhormat Tan Sri boleh mengkaji semula keputusan Yang Berhormat Tan Sri serta membenarkan usul asal saya.

[Perdana Menteri]

31. **Tuan Lim Guan Eng (Bagan)** akan mencadangkan :-

Pada 21hb November 2016 lebih kurang pukul 11.15 pagi apabila sesi soal jawab Dewan Rakyat sedang berlangsung, Ahli Parlimen Pasir Salak Dato' Sri Haji Tajuddin bin Abdul Rahman secara tiba-tiba telah mengeluarkan kata-kata berikut terhadap Ahli Parlimen Seputeh Teresa Kok Suh Sim :

Dato' Sri Haji Tajuddin bin Abdul Rahman : Yang Berhormat Seputeh ini kek,kek,kek,kek ini pasal apa ? The only woman with a 'kok' is in Seputeh.

(muka surat 26, Penyata Rasmi Dewan Rakyat, 21 November 2016)

Sejurus selepas itu, beberapa Ahli Parlimen termasuk Batu Kawan, Ipoh Barat dan Shah Alam telah meminta Ahli Parlimen Pasir Salak untuk menarik balik kenyataan beliau mengikut **Peraturan Mesyuarat 36 (4)** terhadap Ahli Parlimen Seputeh tersebut tetapi tidak diendahkan sama sekali. Susulan daripada kejadian tersebut, Yang Di-Pertua Dewan Rakyat dan Timbalan Yang Di-Pertua telah membuat keputusan bahawa kata-kata Ahli Parlimen Pasir Salak tersebut tidak melanggar Peraturan Mesyuarat maka tidak perlu melakukan apa-apa tindakan susulan.

Keputusan Yang Di-Pertua adalah dikesali. Pada pendapat saya, kata-kata Ahli Parlimen Pasir Salak tersebut jelas melanggar Peraturan Mesyuarat 36 (4) yang melarang ahli dewan daripada “ *menggunakan perkataan yang kurang sopan (biadap) atau membuat pernyataan yang seksis* “. Lebih-lebih lagi, ia telah menghina dan memburukkan nama baik Dewan Rakyat yang mulia ini dan menjadi teladan yang buruk di khalayak ramai. Sifat-sifat perbuatan dan pernyataan Ahli Parlimen Pasir Salak dalam Dewan Rakyat yang begitu tidak senonoh, tidak professional dan bersifat menghina telah berulang-ulang dan tidak patut dibiarkan lagi.

Dengan itu, saya ingin mengetengahkan suatu usul bersendirian untuk pertimbangan semua ahli-ahli Dewan seperti berikut:

“Bahawa Dewan ini menggesa Ahli Parlimen Pasir Salak supaya menarik balik segera pernyataan beliau pada 21 November 2016 yang mempersendakan nama dan menghina Ahli Parlimen Seputeh dan juga memohon maaf kepada Dewan ini atas pernyataannya tersebut yang bersifat menghina, seksis, tidak sopan dan berniat jahat“.

Adalah pendapat saya bahawa semua ahli-ahli Dewan Rakyat mempunyai tanggungjawab bersama untuk memastikan sikap keji Ahli Parlimen Pasir Salak ditegur dan diperbetulkan demi mempertahankan nama baik Parlimen Malaysia.

[Perdana Menteri]

**RISALAT-RISALAT YANG DIBAWA KE DALAM MESYUARAT
(DEWAN RAKYAT)**

<u>TAHUN 2016</u>	<u>RISALAT/DOKUMEN</u>	<u>TARIKH DIBENTANGKAN</u>
DR.14	Penyata Jawatankuasa Dewan, Majlis Mesyuarat Dewan Rakyat.	24 November 2016
ST.168	Laporan Tahunan dan Penyata Kewangan Suruhanjaya Tenaga Bagi Tahun 2015.	24 November 2016
ST.173	Laporan Tahunan dan Penyata Kewangan Kumpulan Wang Biasiswa PengajianTinggi Raja-Raja dan di-Pertua-di-Pertua Negeri Bagi Tahun 2015.	24 November 2016
ST.176	Laporan Tahunan dan Penyata Kewangan Universiti Kebangsaan Malaysia (UKM) Bagi Tahun 2015.	24 November 2016
ST.178	Laporan Tahunan dan Penyata Kewangan Universiti Utara Malaysia (UUM) Bagi Tahun 2015.	24 November 2016
ST.180	Laporan Tahunan dan Penyata Kewangan Universiti Sains Islam Malaysia (USIM) Bagi Tahun 2015.	24 November 2016
ST.182	Laporan Tahunan dan Penyata Kewangan Universiti Malaysia Terengganu (UMT) Bagi Tahun 2015.	24 November 2016
ST.186	Laporan Tahunan dan Penyata Kewangan Pihak Berkuasa Pelaksanaan Koridor Utara (NCIA) Bagi Tahun 2015	24 November 2016
ST.187	Laporan Tahunan dan Penyata Kewangan Pihak Berkuasa Wilayah Pembangunan Iskandar (IRDA) Tahun 2015	24 November 2016
ST.188	Laporan Tahunan dan Penyata Kewangan Majlis Amanah Rakyat (MARA) Bagi Tahun 2015	24 November 2016
ST.189	Laporan Tahunan dan Penyata Kewangan Lembaga Kemajuan Wilayah Kedah (KEDA) Bagi Tahun 2015	24 November 2016
ST.190	Laporan Tahunan dan Penyata Kewangan Lembaga Kemajuan Kelantan Selatan (KESEDAR) Bagi Tahun 2015	24 November 2016

<u>TAHUN</u> <u>2016</u>	<u>RISALAT/DOKUMEN</u>	<u>TARIKH</u> <u>DIBENTANGKAN</u>
ST.191	Laporan Tahunan dan Penyata Kewangan Lembaga Kemajuan Terengganu Tengah (KETENGAH) Bagi Tahun 2015	24 November 2016
ST.192	Laporan Tahunan dan Penyata Kewangan Lembaga Kemajuan Johor Tenggara (KEJORA) Bagi Tahun 2015	24 November 2016
ST.193	Laporan Tahunan dan Penyata Kewangan Pihak Berkuasa Kemajuan Pekebun Kecil Perusahaan Getah (RISDA) Bagi Tahun 2015	24 November 2016
ST.199	Laporan Tahunan dan Penyata Kewangan Institut Penyelidikan dan kemajuan Pertanian Malaysia (MARDI) Bagi Tahun 2015.	24 November 2016
ST.203	Laporan Tahunan dan Penyata Kewangan Lembaga Jurukur Tanah Malaysia Bagi Tahun 2015.	24 November 2016
ST.204	Laporan Tahunan dan Penyata Kewangan Perbadanan Pembangunan Perdagangan Luar Malaysia (MATRADE) Bagi Tahun 2015.	24 November 2016

****UCAPAN-UCAPAN
(PERATURAN MESYUARAT 17 BAHARU)
(KAMAR KHAS)**

Tarikh Ucapan	Ahli Yang Berucap	Tajuk Ucapan	Menteri Yang Bertanggungjawab
1. 24.11.2016 (Khamis)	1. YB Tuan Chong Chieng Jen (Bandar Kuching)	1. Kes Yang Melibatkan Kematian Seorang Doktor Yang Bernama Lily Wong Li Yeon Di Hospital Umum Sarawak, Kuching pada 12 Februari 2016.	1. YB Menteri Kesihatan
2. 24.11.2016 (Khamis)	2. YB Tuan Teo Kok Seong (Rasah)	2. Kenaikan Harga Petrol Dan Minyak Masak Membebaskan Rakyat.	2. YB Menteri Perdagangan Dalam Negeri, Koperasi Dan Kepenggunaan

**** Ucapan Di Bawah Usul Berkenaan Perkara Tadbir Kerajaan (Peraturan Mesyuarat**